

御纂醫宗金鑑卷二十七

刪補名醫方論卷二目錄

補中益氣湯

升陽益胃湯

升陽散火湯

補脾胃瀉陰火升陽湯

清暑益氣湯

清燥湯

白朮附子湯

葛花解酲湯

平胃散

枳朮丸

資生丸

六味地黃丸

桂附地黃丸

附

知藥地黃丸

附

八味地黃丸

資生腎氣丸

大補陰丸

封髓丹

虎潛丸

滋腎丸

瓊玉膏

龜鹿二仙膠

四神丸

二神丸

五味子散

御纂醫宗金鑑卷二十七

刪補名醫方論卷二

補中益氣湯

治陰虛內熱、頭痛、口渴、表熱、自汗、不任風寒、脈洪大、心煩不安、四肢困倦、懶於言語、無氣以動、動則氣高而喘。

黃耆

人參

雲朮

炙甘草

陳皮

當歸

升麻

柴胡

右八味、加生薑三片、大棗二枚、水煎溫服、

集註

柯琴曰、仲景有建中理中二法、風木內干中

氣、用甘草飴棗培土以禦木、薑桂芍藥平木而驅風、故名曰建中、寒水內凝於中、氣用參朮甘草補土以制水、佐乾薑而生土以禦寒、故名曰理中、至若勞倦形衰、氣少陰虛而生內熱者、表證頗同外感、惟李杲知其爲勞倦傷脾、穀氣不勝、陽氣下陷陰中而發熱、製補

中益氣之法。謂風寒外傷。其形爲有餘。脾胃
內傷。其氣爲不足。遵內經勞者溫之。損者益
之之義。大忌苦寒之藥。選用甘溫之品。升其
陽。以達陽春升生之令。凡脾胃一虛。肺氣先
絕。故用黃耆護皮毛而閉腠理。不令自汗。元
氣不足。懶言氣喘。人參以補之。炙甘草之甘
以瀉心火而除煩。補脾胃而生氣。此三味除
煩熱之聖藥也。佐白朮以健脾。當歸以和血。
氣亂於胸。清濁相干。用陳皮以理之。且以散

諸甘藥之滯、胃中清氣下陷、用升麻柴胡氣之輕而味之薄者、引胃氣以上騰、復其本位、便能升浮、以行生長之令矣。補中之劑、得發表之品、而中自安。益氣之劑、賴清氣之品、而氣益培。此用藥有相須之妙、是方也。用以補脾、使地道卑而上行、亦可以補心肺、損其肺者、益其氣、損其心者、調其營衛也。亦可以補肝木、鬱則達之也。惟不宜於腎、陰虛於下者、不宜升。陽虛於下者、更不宜升也。凡李杲治

脾胃方俱是益氣去當歸白朮加蒼朮木香便是調中加麥冬五味輩便是清暑此正是醫不執方亦是醫必有方

趙獻可曰後天脾土非得先天之氣不行此氣因勞而下陷於太陰清氣不升濁氣不降故用升柴以佐參耆是方所以補益後天中之先天也凡脾胃不足喜甘而惡苦喜補而惡攻喜溫而惡寒喜通而惡滯喜升而惡降喜燥而惡濕此方得之矣

陸麗京曰此爲清陽下陷者言之非爲下虛而清陽不升者言之也。倘人之兩尺虛微者。或是腎中水竭。或是命門火衰。若再一升提。則如大木將搖而撥其本也。

原因發而不可收。太氣常虛。不扶則氣不固。鼓熾而曰發。天輒土其發。天之虛不升。此醫不持衣。衣量醫必持衣。則量中。地冬冬。正和輩野。量部暑。地玉量。則目式。身量益。康去當。通白。木地。蒼。木。木香。

升陽益胃湯

治脾胃虛、怠惰嗜臥、四肢不收、時值秋燥、令行、濕熱方退、體重、節痛、口乾、舌燥、飲食無味、大便不調、小便頻數、食不消、兼見肺病、灑淅惡寒、慘慘不樂、面色不和。

羌活

獨活

防風

柴胡

人參

白朮

茯苓

甘草

黃耆

白芍

半夏

黃連

澤瀉

陳皮

水煎服

集註

吳琨曰脾土虛弱不能制濕故體重節痛不能運化精微故口乾無味中氣既弱傳化失宜故大便不調小便頻數也灑淅惡寒肺弱表虛也面色不樂陽氣不伸也是方半夏白朮能燥濕茯苓澤瀉滲之二活防風柴胡能

升舉清陽之氣、黃連療濕熱、陳皮平胃氣、參
耑甘草以益胃、白芍酸收、用以和營而協耑
活柴胡辛散之性、蓋古人用辛散必用酸收、
所以防其竣厲、猶兵家之節制也。

按

人參屬補、不知君於枳朴中、卽爲補中瀉也、
耑防輩爲散、不知佐於參耑中、卽爲補中升
也、近世之醫、一見耑防輩、卽曰發散、不可輕
用、亦不審佐於何藥之中、皆因讀書未明、不
知造化別有妙理耳、

[illegible]

升陽散火湯

治脾陰血虛、胃陽氣弱、春寒不去、及過食冷物、
抑遏少陽清氣、鬱於脾土之中、四肢發困、熱肌
熱、筋骨間熱、表熱如火、燎於肌膚、捫之烙手、並
宜服之。

升麻 五錢
獨活 五錢
羌活 五錢

白芍 五錢
人參 五錢
已上各

甘草 三錢
柴胡 三錢

防風 二錢

甘草 二錢
生

右㕮咀如麻豆大每服秤五錢水二盞煎一盞去滓大溫服無時忌寒涼之物

集註

吳琨曰經云少火生氣天非此火不能生物

宜人非此火不能有生揚之則光遏之則滅今

為春寒不去遏鬱陽氣飲食冷物填塞至陰

以致升生之氣幾於息矣故用升麻柴胡羌

活獨活葛根皆辛溫風藥以鼓動少陽生氣

清陽既出上竅則濁陰自歸下竅而食物傳

化自無抑遏之患、芍藥味酸、能瀉土中之木、
人參味甘、能補中州之氣、生甘草能瀉鬱火
於脾、從而炙之、則健脾胃而和中矣、李杲聖
於脾胃者、其治之也、必主於升陽、俗醫知降
而不知升、是撲其少火也、安望其衛生耶、若
氣不虛、本方除人參、獨活、加蔥白、名火鬱湯、
治同、